

AI DI SUNGAI CINA, GUNUNG GADING BISI VIRUS

September 20, 2016, Tuesday

Mensia mayuh dilalau nyeliahka diri ari ngaga sebarang aktiviti ba kedua kandang endur nya

BAU: Opis Kampung Sarawak (JHS) ngelalau mensia mayuh nyeliah diri ari ngaga aktiviti ai di Sungai Cina, Matang enggau Gunung Gading Lundu maya ke diatu.

Sapit Direktor 1 JHS Jack Liam madah jaku tangkan dikeluar pengudah sungai nya dipelaba ngundan virus kemi chit.

Tajapia ku iya, pekara nya diatu benung dipansik nengah kerejasama raban pakar ari Universiti Malaysia Sarawak (Unimas) ke alai jaku tagang semina dikena nyeliah mensia mayuh ari sebarang penusah.

“Mar deka meri penerang sentang pekara tu ketegal bedau ditemu amat. Tang raban ari Unimas ke dulu nemu lalu diatu semina dipelaba aja.

“Direktor JHS merambu ngadu pansik begulai enggau Unimas lalu ba maya ke diatu kitai ngelalau mensia mayuh nyeliah diri ari ngaga aktiviti ai di Sungai Cina enggau Gunung Gading,”ku iya.

Jack mansutka jaku nya ba aum pengarang berita pengudah menjadi ‘Ekspedisi Saintifik Taman Negara Dered’ Krian, Bau di Palan Latih Staf Unimas, Bau kemari.

Ngenang kaul ke sama, Pemantu Direktor Kanan JHS (Pansik, Pemansang enggau Inovasyen) Runi Sylvester Pungga madah JHS deka bekerejasama enggau pakar ari Unimas ba atur ngulihka chunto ai ari kedua palan ngambi pansik ulih dipejalai enggau lengkas.

Nitihka penerang ari Senior Lecturer Unimas Mohd Effendi Wasli ke bela datai, virus ti ditemu engka ukai kemi chit lalu dipelaba virus ‘salmonella’.

“Ke amat, virus ti ditemu ukai kemi chit tang ‘salmonell’ di Sungai Rayu (Sungai Cina) Matang, maya ekspedisyen kitai dulu agi ari tu.

“Maya nya kitai bisi tetemuka pun virus salmonella,”ku Mohd Effendi.

Bela datai Dekan Fakulti Sains Teknologi enggau Sumber (Unimas) Profesor Madya Dr.Othman Boko.